

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj: 02-05-1773/16
Lukavac, 28.12.2016.godine

Na osnovu člana 64. stav (1). tačka b), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-759/15 od 13.03.2015. godine, na Preporuku Komisije za provođenje postupka javne nabavke broj: 02-05-1773/16 od 27.12.2016. godine u postupku javne nabavke kafe, šećera, čajeva, soka, mineralne i prirodne negazirane vode Općinski načelnik d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 02-05-1773/16 od 27.12.2016. godine i Ugovor za javnu nabavku kafe, šećera, čajeva, soka, mineralne i prirodne negazirane vode dodjeljuje se ponuđaču "REDEX" d.o.o. Banovići, ponuda broj: 1 od 22.12.2016. godine, za ponuđenu cijenu u vrijednosti od 4.627,00 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema odluke o izboru dostaviti u roku od 5 dana originale ili ovjerene kopije dokaza o ispunjavanju uslova iz člana 45. stav (2) tačka d) Zakona o javnim nabavkama BiH, navedene u tački 12.2. tenderske dokumentacije .

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način , ugovor za javnu nabavku dodijeljuje se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-1772/16 od 06.12.2016.godine. Javna nabavka je sprovedena postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 7.000,00 KM.

Obavještenje o nabavci broj: 719-7-1-77-3-58/16 objavljeno je na Portalu javnih nabavki dana 07.12.2016. godine.

Komisija za provođenje postupka nabavke imenovana Rješenjem broj: 02-05-1805/16 od 09.12.2016. godine i

dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1773/16 od 27.12.2016. godine, Preporuku o izboru najpovoljnijeg ponuđača broj:02-05-1773/16 od 27.12.2016. godine i Izvještaj o radu broj: 02-05-1773/16 od 27.12.2016.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet ponude;
- da je blagovremeno primljeno pet ponude;
- da nije bilo neblagovremeno primljenih ponuda;
- da su ponude ponuđača INTER-COM d.o.o. Zenica, PRIMAPROM d.o.o. Banja Luka, „Alfadivit“ d.o.o. Živinice, "REDEX" d.o.o. Banovići i „PČELICA M“ d.o.o. Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

Ponuđač "REDEX" d.o.o. Banovići dostavio je prihvatljivu ponudu sa cijenom u iznosu od 4.627,00 KM bez PDV-a, koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama , člana 89., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Obrađivač: Hanić Dževad



PO OVLAŠTENJU OPĆINSKOG NAČELNIKA

BROJ: 02-05-1677/16

Armin Hodžić

Dostaviti:

1. INTER-COM d.o.o. Zenica
2. PRIMAPROM d.o.o. Banja Luka
3. „Alfadivit“ d.o.o. Živinice
4. "REDEX" d.o.o. Banovići
5. „PČELICA M“ d.o.o. Tuzla
6. Evidenciji i
7. Arhivi.-